

古
今
詞
話

古今詞話

吳江沈 雄偶僧

休寧江尚質丹崖

詞辨

十六字令

蒼梧謠 絳州春

按詞統以十六字令始於周邦彥片玉集中不載見
天機餘錦句法多謬讀不一體詞綜曰曾見宋人作
蒼梧謠張安國集中三首蔡伸道集中一首廼知刻
本訛眼字爲明字遂聯下文三字作句起五字作句

叶或以五字作句起三字作句叶今讀晴川集以一
字作句起七字作句叶如云眠月影穿窓白玉錢無
人弄移過枕函邊爲是因考周玉晨爲邦彥從子號
晴川有晴川詞此乃周玉晨所作元初程秬夫曰予
於近代諸家樂府惟清真集犁然當於心目晴川殊
有宗風雨坐空山試閱一解便如輕衫俊騎上下五
陵花發鶯啼垂楊拂面時也

明月斜

落日斜

唐詞紀云呂僊所製竹坡新話云一名落日斜

詞統曰柳永聞婦人歌此曲云明月斜秋風冷今夜
故人來不來教人立盡梧桐影傳是女鬼作後好事
者李玉衍爲金縷曲云月落西樓凭欄久依舊歸期
未定又只恐瓶沉金井嘶騎不來銀燭暗枉教人立
盡梧桐影楊慎曰藉此覺有身分

南歌子

碧窓夢 水晶簾

古今詞譜曰南呂宮曲溫庭筠多作單調二十三字
手裏金鸚鵡胸前繡鳳凰偷眼睛形相不如從嫁與
作鴛鴦張泌詞多三字岸柳拖金線庭花映日紅數

聲蜀魄入簾櫳。驚斷碧窓殘夢。畫屏空。湓興與裴誠有
五七言體。裴云。不識厨中婦。安知炙裏心。井邊銀釧
落。展轉恨還深。溫云。井底點燈深燭伊。共郎長行莫
圍碁。璫玢骰子安紅豆。入骨相思知不知。蘇東坡蓮
子擘開須見蕊。檣杆着盡更無期。註曰。此效風人體
南歌子也。今體收長短句。有雙調南歌子。乃南柯子。
亦名雙碟令。

北邙月

洞微志載鄭繼超遇田叅軍贈妓曰。妙香留數年。告

別歌北邙。早送酒。明日僧過北邙。妓化狐而去。
太平廣記載妖女王麗貞賦別詞云。五原分袂。真箇
越燕折鶯。離芳草歇。年少鶯花處處春。北邙空恨清
秋月。義本此。

三臺令

翠華引

三臺舞曲。自漢有之。唐王建。劉禹錫。韋應物。諸人有
宮中上皇江南突厥之別教坊記亦載。五七言體。如
不寐倦長更。披衣出戶行。月寒秋竹冷。風切夜窓聲。
傳是李後主三臺詞。鴈門關上鴈初飛。馬邑關中馬

正肥陌上朝來逢驛使殷勤南北送征衣傳是盛小
發三臺詞今詞不收五七言而收六言四句王建詞
云魚藻池邊射鵬芙蓉苑裏看花日色赭黃相似不
着紅鸞扇遮故一名翠華乳

花非花

楊慎詞品曰予愛白樂天花非花一首雖高唐洛神
不及也後張子野衍之爲御街行沈雄曰並刻有作
古風者唐詩肇香集中收此

搗練子

章臺柳

解紅歌

桂殿秋

蕭相照

太平廣記曰韓柳字君平有友人每將妙妓柳氏至其居窺韓所與往還皆名人必不久貧賤詐配之未幾韓從辟臨淄置柳都下三歲寄以詞章臺柳章臺柳昔日青青猶在否縱使長條似舊垂亦應攀折他人手柳答以詞楊柳枝芳菲節可恨年年贈離別一夜隨風忽報秋縱使君來豈堪折後爲番將沙吒利所劫會入中書有虞侯許俊詐取得之詔歸韓

物外清音曰曲名解紅相傳爲呂僊作余攷解紅爲和魯公歌童其詞百戲罷五音清解紅一曲新教成

兩個瑤池小僊子此時奪却柘枝名曾公自製曲也
按解紅舞衣紫紉繡襦銀帶戴花鳳冠五代時飾焉
有呂僊在唐季預爲此腔耶

唐詞載李德裕步虛詞卽雙調搗練子搗練子本無
雙調詞綜列爲李白桂殿秋二首李集之考覈者多
矣不聞菩薩蠻憶秦娥而下別有桂殿秋也吳虎臣
得於石刻而無其腔劉無言倚其聲歌之爲未足信
劉禹錫作瀟湘神起卽疊三字一句便是亦卽搗練
子但爲迎神送神之詞

古今樂錄曰樂府搗衣清商曲也分平仄二韻李後主卽咏本意俞彥曰調名不一宜細辨之

望江南

謝秋娘

春去也

海山記曰隋煬帝開西苑中鑿五湖北海相通泛舟
令人歌望江南湖上花天水浸靈芽淺葦水邊勻玉
粉濃苞天外剪明霞清賞思何賒湖上月偏照列仙
家水浸寒光鋪玉簾浪搖晴影走金蛇恰稱汎靈槎
湖上柳陰覆畫橋低宿霧洗開明媚眼東風調弄好
腰支烟雨更相宜湖上酒終日助清歡檀板輕聲銀

甲煖醅浮香米玉醴寒醉眼暗相看本無換頭後強添之終非六朝人語

古今詞譜曰大石調曲朱崖李太尉爲亾妓謝秋娘作望江南白居易思吳宮錢塘之勝作江南憶劉禹錫作春去也李後主作望江梅馮延巳作憶江南

詞純載賈人女裴玉娥善箏與黃損有婚姻約後爲呂用之刼歸第賴胡僧神術尋復歸損損作望江南曲云無所願願作樂中箏得近佳人纖手子研羅裙上發嬌聲便死也爲榮損僖宗時人

竹枝

巴渝曲

竹枝本出巴渝故亦名巴渝詞劉禹錫序曰歲正月里中兒聯歌竹枝吹笛擊鼓以應節歌者揚袂睢舞以曲多爲貴聆其音聲中黃鐘之羽卒章訐激如吳歊雖儻儻不可分而含思宛轉有淇澳之艷

太平樂府曰白居易竹枝云瞿唐峽口冷烟低白帝城頭月欲西唱到竹枝聲咽處寒猿啼鳥一時啼劉禹錫竹枝云楊柳青青江水平聞郎江上唱歌聲東邊日出西邊雨道是無情也有情沈雄曰作者須不

似子夜歡聞體亦不得全脫本意又不可竟作七言
絕句如盤江門外是儂家爲不可及

詞統載阿娘拘束好心痴白玉關干護竹枝春色到
來抽亂筍石頭縫裏迸芽兒若個郎來討竹秧雌雄
須得要成雙明年此日春雷發管取嬰兒脫錦腔此
田藝衡竹枝大意不脫本旨如折楊柳采蓮曲之類

柳枝

壽杯詞

樂府作折楊柳爲漢饒歌橫吹曲上馬不捉鞭反拘
楊柳枝蹀坐吹長笛怨殺行客兒蓋邊詞別曲也舊

詞如劉禹錫云。清江一曲柳千條。二十年前舊板橋。
曾與美人橋上別。更無消息到今朝。一曰壽杯詞如
千門萬戶喧歌吹。富貴人間只此聲。年年織作昇平
字。高映南山獻壽觴。語意自別。

唐無名氏柳枝云。萬里長江一帶開。岸邊楊柳是誰
栽。錦帆落盡西風起。惆悵龍舟更不回。盡推此曲爲
第一。然不若薛能楊柳枝云。汴水高懸百萬條。風清
兩岸一時搖。隋家方盡虛栽得。無限春風屬聖朝。更
得大體。

朱敦儒別有一調云。江南岸柳枝。江北岸柳枝。折送行人無盡時。恨分離。柳枝。酒一盃。柳枝。淚雙垂。柳枝。君到長安。心事違。幾時歸。柳枝。絕似長相思。琴調曲。而以添聲爲排調者。

阿那曲 鷄叫子

古今詞譜曰。唐人爲阿那曲。宋人爲鷄叫子。凡韻絕句。唐女郎姚月華歌二曲。卽手拂銀瓶。秋水冷。烟柳。墮隴鵲飛去也。其夫北游。有感於詩而歸。

春草萋萋春水綠。野棠開盡飄香玉。繡嶺宮前白髮。

生猶唱開元太平曲相傳玉川叟所吟甘露變中玉
涯賈餗舒元與李訓鄭注輩鬼爲之一下第孝廉聞
之於噴玉泉詞意近是

朱淑真曾爲阿那曲云夢迴酒醒春愁怯寶鴨烟銷
香未歇薄衾無奈五更寒杜鵑叫落西樓月時有作
西樓月調者宋人有雙調鷓鴣子

字字雙宛轉曲

才鬼錄曰唐中涓宿宮妓館見童子捧酒核導三人
至皆古衣冠相謂曰崔常侍來何遲俄一人至有離

別意共聯四句爲字字雙曲。牀頭錦衾斑復斑。架上
朱衣殷復殷。空庭明月閒復閒。夜長路遠山復山。似
非王麗真一人詞也。詞品竟作王麗真。諸選又以王
建詞爲字字雙云。宛宛轉轉勝上紗。紅紅綠綠苑中
花。紛紛泊泊夜飛鴉。寂寂寞寞離人家。意亦近似。而
又見一集中爲宛轉曲。宜從之。

小秦王

丘家箏

柳塘詞話曰。唐人絕句作樂府歌曲。皆七言而異其
名。如無名氏之小秦王。一名丘家箏者。楊慎曰。予愛

無名氏三闋其一柳條金嫩不勝鴉紅粉牆頭道細
家燕子不來春寂寞小窓和雨夢梨花其二雁門關
外鴈初飛爲盛小叢三臺詞其三十指纖纖玉笋紅
爲張祐氏州第一乃所舉之訛者

茗溪漁隱曰唐人調俱失傳今可歌者小秦王瑞鷓
鴒耳瑞鷓鴒依字易歌若小秦王必襍以虛聲乃可
歌也

清平調

陽關曲

緩緩歌

楚曲有清調平調清平相和曲李供奉乃作清平調

三章云。雲想衣裳花想容。春風拂檻露華濃。若非羣
玉山頭見。會向瑤臺月下逢。名花傾國兩相歡。長得
君王帶笑看。解釋春風無限恨。沉香亭北倚闌干。一
枝穠艷露凝香。雲雨巫山枉斷腸。借問漢宮誰得似。
可憐飛燕倚新粧。教坊記作陽關曲。卽王維送元二
使安西。渭城朝雨浥輕塵也。寇萊公蘇東坡俱有是
曲。又作緩緩歌。

屏山集曰。清平調之始也。玄宗曰。賞名花對妃子焉。
用舊詞。命李白進清平調三章。其一雲想衣裳半爲

賦語半爲頌語其二名花傾國以人喻物以物喻人
其三一枝濃豔頌寓於規美形於刺於是學士之才
情不敵寵妃之悲恨矣

吳越王妃每歲歸臨安主以書遺之云陌上花開可
緩緩歸矣吳人用其語爲緩緩歌蘇東坡爲易其詞
歌之陌上山花無數開路人爭看翠輦來卽名陽關
曲是古清平調也

欽乃曲

下瀧船

元結於大曆中爲道州刺史以軍事詣都還洛日春

水漲溢不得前作欸乃曲四首使舟子歌之以取適
於道路云湘江二月春水平○滿月和風宜夜行○唱橈
欲過平陽戍○守吏相呼問姓名○

詞紀云下瀧船似入深淵○上瀧船似欲升天○瀧南始
到九疑郡○應絕高人乘興船○亦名下瀧船○欸乃邪許
聲○註作櫓船○相應聲○卽吳中棹歌相和聲○

踏歌詞

拋毬樂附

詞品曰崔液踏歌詞云綵女迎金屋○仙姬出畫堂○鴛
鴦裁錦袖○翡翠帖花黃○歌響舞行分艷色○動流光○體

裁藻思俱新。五言四句之後。未以七字作句。王律公
叶。近不得其句讀律以五言。又何以別於劉禹錫之
拋毬樂乎。拋毬樂五言六句云。春早見花枝。朝朝恨
發遲。及看花落後。却憶未開時。幸有拋毬樂。一杯君
莫辭。

法駕導引

古今詞譜曰。詞體比望江南多盛一句云。朝元路。朝
元路。同駕玉華君。千乘載花紅一色。人間遙指是祥
雲。回望海光新。傳自紹興都下。有道人携烏衣女子。

飲於酒肆。女子歌以侑觴。皆非人世語。或記之以問
一道士。道士驚訝曰。此赤城韓夫人所製法駕導引
塵世安得有人歌之。烏衣女子。蓋一龍云。

如夢令

憶仙姿

古詠

宴桃源

古今詞譜曰。小石調曲。有傳自呂僊者。有傳自莊宗
者。莊宗於宮中掘得石刻。名曰古記。復取調中二字
爲名。曰如夢令。所謂如夢如夢。殘月落花烟重。是也。
不知先曾有一闕云。嘗記溪亭日暮。沉醉不知歸路。
興盡欲回舟。誤入藕花深處。爭渡爭渡。驚起一行鷗。

鷺傳是呂僊之曲。別刻又云無名氏此非呂僊之前
張宗瑞寓以新詞曰。比梅近遠。以莊宗曾宴桃源深
洞。又名曰宴桃源。

後庭花

陳氏樂書曰。本清商曲。賦後庭花。孫光憲。毛熙震。都
賦之。雙調四十四字。又有後庭花破子。李後主。馮延
巳相率爲之。則是玉樹後庭前。瑤草粧鏡邊。去年花
不老。今年月又圓。莫教偏。和月和花。大教長少年。是
單調三十二字。俱與古體玉樹後庭花異。非璧月夜。

夜清瑣樹朝朝新。爲商女所歌也。楊慎云無限江南
新樂府。君王獨賞後庭花。

天僊子

萬斯年曲

樂府解題曰龜茲樂也。教坊記有是名。詞譜爲黃鐘
宮曲。朱崖李太尉爲應制體。花間集多賦天台僊子。
單調也有平仄二體。韋莊詞金似衣裳玉似身。眼如
秋水髻如雲霞。裾玉帔一羣羣來洞口。望烟分劉阮
不歸春。日暝和凝詞洞口春紅飛蔌蔌。僊子含愁眉
黛綠。阮郎何事不歸來。嬾燒金慵篆玉。流水桃花空

新編又韋莊詞深夜歸來長酩酊扶入流蘇猶未醒
臨酒氣麝蘭和驚夢覺笑呵呵長道人生能幾日
三詞俱不一體其張先所賦雲破月來花弄影則又
仄韻雙調不在此選者

何滿子 斷腸詞

杜陽樵編云文宗宮人沈阿翹爲舞何滿子則一舞
爾也誤刻河字一名斷腸詞人傳文宗疾亟目孟才
人孟請歌畢指笙囊就絃爰歌何滿子一聲腸斷而
殞張祐爲詩以弔之云一聲何滿子雙淚落君前白

居易曰。何滿子。滄州歌者。開元中進此曲。以贖死。因
作七言云。世傳滿子是人名。臨就刑時。曲始成。一曲
四詞。歌入。疊從頭。便是斷腸聲。今用長短句。有單調
雙調。

和凝詞。正是破瓜年紀。含情慣得人饒。桃李精神顰
顰舌。可堪虛度良宵。却愛藍羅裙子。羨他長束纖腰。
第二首結句。却愛薰香小鴨。羨他長在屏幃。謂却愛
下。又是羨他。爲重疊語。病殊不知。羨出於愛。更申明
一層語意。

風光好

周使陶穀奉使江南。傲睨特甚。韓熙載爲飾妓秦弱
蘭。以充郵亭卒女。前灑掃穀悅之。遂私焉。贈以風光
好曲云。好姻緣。惡姻緣。祇得郵亭一夜眠。別神仙。琵琶
撥盡相思調。知多少。待取鸞膠續斷絃。是何年。雲
巢繡。又謂陶穀惑於任社娘。故有此詞。再閱天機餘
錦曲云。柳陰陰。水沉沉。風約雙鳬立。不禁碧波心。後
有換頭。則此曲當以琵琶撥盡相思調。知多少。爲下
段。抑又犯於虞美人影之過變也。似不必爲此。

伊川令

西風昨夜穿簾幙。閨院添蕭索。最是梧桐零落。迤邐
秋光過却。人情音信難托。教奴獨自守空房。淚珠與
燈花共落。此伊川令范仲胤妻寄外詞也。范爲相州
繇事久不歸。其妻製此詞寄之。伊字旁失寫人字。范
戲語有料。想伊家不要人句。妻復答云。閑將小楷作
尹字。情人不解其中意。共伊閒別幾多年。身邊少個
人兒睡。見詞統。畢竟是北宋人語。

長相思

山漸青
送迎

雙紅豆

憶多嬌

春山相

樂府解題曰長相思古怨思二十五曲之一本古詩
上言長相思下言久離別又着以長相思緣以結不
解以致纏綿之意玉臺新詠載徐陵蕭渾各有長短
句而非詞也唐詞紀載令狐楚五言君行登隴上妾
夢在閨中玉筍千行落銀牀一夕空張繼五言遶陽
望河縣白首無由見海上珊瑚枝年年寄春燕皆非
詞也止收雙調三十六字如深畫眉淺畫眉顰髻鬢
鬆雲滿衣陽臺行雨回○巫山高○巫山低○暮雨瀟瀟
郎不歸○空房獨守時○此白居易作花菴詞客稱爲世

人莫及。

醉太平

凌波曲

醉思凡

四字令

按起調以兩字藏韻作句。張炎論之最嚴。龍洲詞當
改作情真意真眉清髻青小樓明月調箏寫春風數
聲。思君憶君魂憑夢縈翠綃香煖雲屏更那堪酒
醒舊見張顛米顛書船畫船。夫僊婦僊鸞絃鳳絃等
語。辛詞只作仄韻云態濃意遠眉顰笑淺。剪羅衣窄
絮風軟。欺髻雲翠捲。南園花樹春光暖。香徑裏榆
錢軟。欲上鞦韆。又驚嬾。且歸休。怕晚。換頭俱異。別是

一體

海昌查容汧翁集有賀江右人納雙姬者云章江貢
江蜂狂蝶忙桃根桃葉相當弄明珠一雙深粧淺
粧鸞商燕量巫山巫峽中央鎖芙蓉一雙但卒章合
用一韻爲嫌耳

薄命女

長命女

樂府解題曰長命西河女羽調曲唐五言體云雲送
關雨風傳渭北秋孤燈然客夢寒杵搗鄉愁和凝
集中云天欲曉宮漏穿花聲繚繞窓裏星光少冷

霞寒侵帳額。殘月光沉樹杪。夢斷錦闌空。悄悄強起。愁眉小。力崇詞格者。當不取詩體也。

馮延巳別有長命女詞。春日宴綠酒一杯。歌一遍。再拜陳三願。一願郎君千歲。再願妾身長健。三願如同梁上燕。歲歲長相見。留爲章法。詞則俚鄙。

昭君怨

柳塘詞話曰。調本兩韻。如蘇軾韓駒。万俟雅言。辛棄疾。鄭域。張鑑。俱得體。而明之陳繼儒。強爲一韻。曰。水上奏琵琶。一痕沙。遂名之爲一痕沙。此老未爲知詞。

換頭亦係兩韻六字者。萬俟雅言春到南樓雪盡一
首。換頭云莫把闌干倚。前人謂倚字上落一頓字及
查蔡伸道程觀過吳幼清俱有此體

太平時

楊柳枝

賀聖朝

賀方回衍杜牧之秋盡江南葉未彫詩。陳子高衍王
之渙李夫人病已經秋詩。以七字現成句而和以三
字爲調。花間集起於張泌顧夔。換頭句仍押仄韻。六
一詞獨押平韻。一名添聲楊柳枝。

生查子

懶卸頭

查謂古樣字。未見有詠博望事者。諸選載牛希濟換頭云。語已多情。未了。咸以已字爲襯。及閨繡工夫。牽心緒。孫光憲又作三字句。至誰家繡。戛動香塵。多誰家二字。又豈以誰家二字爲襯。列之三體。宜也。

柳塘詞話曰。樽前集中。劉侍讀生查子一闕云。深秋更漏長。滴盡銀臺燭。獨步出幽閨。月晃波澄綠。芰荷風乍觸。一對鴛鴦宿。虛掉玉釵驚。驚起還相續。堯山堂外紀中。歐陽彬生查子一闕云。晝日畫堂。懽入夜重開宴。剪燭蠟烟香。促坐花光顫。待得月華來。

滿院如鋪練。門外簇驂。驢直待聞鷄散。因思韓偓生。
查子詞。空樓雁一聲。遠屏山半滅。足色悲涼。不言愁。
而愁自見。何必又顰眉山。正愁絕耶。覺首篇時復見。
殘燈和烟墜金穗。如此結構。方爲含情無限。

古今詞話曰。陸放翁見題驛壁云。玉堦蟋蟀。開清夜。
金井梧桐。辭故枝。一枕淒涼。眠不得。呼燈起。作感秋。
詩。詢知驛女之作。爰納爲妾。後妻妬又出之。遂賦生。
查子云。只知眉上愁。不識愁來路。窓外有芭蕉。陣陣。
黃昏雨。曉起理殘妝。整頓教愁去。不合畫春山。依。

舊畱愁住

朱淑真賦元夕生查子有云月到柳梢頭人約黃昏
後詞品曰詞則佳矣豈良人婦所宜道耶但其元夕
詩但願暫成人繾綣不妨長任月朦朧與詞相合其
行可知

醉公子

四換頭

雙調醉公子一名四換頭平仄互叶詞意四換如虞
美人菩薩蠻減字木蘭花之類五言體云昨日春園
飲今朝倒接離誰人扶上馬不省下樓時詞選祇以

顧曼尹鶚之所著爲正

懷古錄曰門外獼兒吠。知是蕭郎至。刻襖下香堦。繞
家今夜醉。扶得入羅幃。不肯脫羅衣。醉則從他醉。
還勝獨睡時。此唐人詞也。前輩謂讀此可悟詩法。或
以問韓子蒼。子蒼曰。只是轉摺多耳。且如喜其至。刻
襖下堦。是一轉矣。而苦其今夜醉。又是一轉。喜其入
羅幃。又是一轉。不肯脫羅衣。又是一轉。後兩句是自
爲開釋。又是一轉。雖與諸家不同。直是賦醉公子也。
柳塘詞話曰。體是四換韻者。顧曼薛昭蘊可法也。無

名氏詞爲兩韻。半平半仄體。尚有尹鶚詞。只用兩韻者。暮烟籠蘚砌。戟門猶未閉。盡日醉尋春。歸來月滿身。離鞍假繡袂。墜巾花亂綴。何處惱佳人。檀痕衣上新。此皆咏醉公子本意者。峽流集中。王暉詞。盡日貪醺醉。不管人兒獨。剛到促呼茶。豪慙誰耐他。擁被寧孤睡。醒眼難禁醉。待得酒醒時。天街唱曉鷄。此爲申明無名氏詞意而不嫌其透露。

點絳脣

沙頭雨

南浦月

十八香

古今詞譜曰。本仙呂宮。又入高平調。張仲宗結語云。

遙隔沙頭雨。名沙頭雨。又邀月過南浦。爲南浦月。
詞品曰。蘇叔黨東坡少子。草堂所錄。新月娟娟。高柳
蟬嘶。兩首是也。特禁蘇文。以隱其名。若以爲汪彥章
作。則謬矣。汪自有永夜懨懨。畫簾低月。山唧斗見於
浮溪文藻。

詩話總龜曰。林和靖不特工於詩。且工於詞。如咏草
一首。金谷年年亂生春色。誰爲主。終篇不露一草字。
如覺範咏梅一首。風吹平野。一點香隨馬。終篇不露
一梅字。同一雅潔。

浣溪沙

小庭花
踏花天

蕭院春

廣寒秋

霜菊黃

古今詞譜曰黃鐘宮曲張泌詞有露濃香泛小庭花
又名小庭花

李後主用仄韻紅日已高三丈透金鑪次第添香獸
紅錦地衣隨步皺○佳人舞點金釵溜酒惡時拈花
並嗅別殿遙聞簫鼓奏固是獨唱

薛昭蘊首句不用韻紅蓼渡頭秋正雨印沙鷗跡白
成行整鬢飄袖野風香○不語含嚬深浦裏幾回
殺棹船郎燕歸帆盡水茫茫亦僅見也

樂府紀聞曰張祚侍郎愛姬早逝猶子曙代爲浣溪
沙云天上人間何處去舊歡新夢覺來時黃昏微雨
畫簾垂寫置几上祥朝回見之一慟曰此必阿灰所
作也阿灰曙小字

竹坡叢話曰蘇東坡云魯直作浣溪沙自以水光山
色替却玉肌花貌此真得漁父之風者魯直過瀘瀘
帥有寵妓盼盼命之作酒魯直贈以浣溪沙有云見
人無語但迴波奴料有心留宋玉祗緣無奈楚襄何
盼盼唱惜春容而帥不知也

卜算子

百尺樓

古今詞譜曰歇指調曲平韻卽巫山一段雲也秦湛
詞極目烟中百尺樓人在樓中否又名百尺樓有八
十九字中調

女紅餘志曰惠州溫氏女超超平及笄不肯字人東
坡至喜曰吾壻也日徘徊窓外聽公吟咏覺則亟去
東坡知之廼曰吾呼王郎與子爲媼未幾東坡渡海
歸超超已卒葬於沙際因作詞云缺月掛疎桐漏斷
人初靜時見幽人獨往來縹緲孤鴻影○驚起却回

頭有恨無人省。揀盡寒枝不肯棲。寂寞沙洲冷。
僧皎然送春詞有意送春歸。無計留春住。畢竟年年用
着來。何似休歸去。高賓王全用之。屈指數春來。彈指
驚春去。檐外蛛絲網落花。也要留春住。幾日喜春
晴。幾夜愁春雨。十二闌干六曲屏。顯徧傷春句。
柳塘詞話曰。紫竹卜算子云。繡閣綃重門。携手終非
易。牆外憑他花影搖。那得疑郎至。合眼想郎君。別
久難相似。昨夜如何繡枕邊。夢見分明是。是有繾綣
意。而非穢褻語。携手夢見方喬。可謂不孤。

青樓雅述曰唐仲友守台命營妓嚴蕊作紅白桃花
如夢令賞以雙纖後朱晦菴爲節使欲據仲友罪置
蕊於獄蕊曰身爲賤妓不敢妄言以污士大夫也岳
霖爲憲憐蕊無辜猝命作詞蕊口占卜算子云不是
愛風塵似被前緣悞花落花開自有時總賴東君主
去也還須去住也如何住若得山花插滿頭便是
儂歸處立命出之

巫山一段雲

樂府解題曰漢鏡歌巫山高爲思婦詞一曰狀巫峽

按太平廣記王母第二十三女名瑤姬號雲華夫人
居巫山詩家所謂神女也峽下有神女祠過此爲無
義灘矣詞盛於花間李珣毛文錫諸人又唐昭宗官
人題於寶鷄驛壁者換頭用六字句叶仄韻與柳郎
中之詠游仙相類昭宗宮人云青鳥不來愁絕看
鴛鴦雙結春風一等少年心閒情恨不禁柳郎中云
一曲雲謠爲壽倒盡玉壺春酒微醺爭撼白榆花路
碎九光霞箋體中庶備之

采桑子

羅敷令

醜奴兒令

教坊記曰采桑子卽古相和歌中採桑曲。

古今詞譜曰大石調曲。

詞品曰花叢夫人因蜀亡製采桑子題葭萌驛壁云
初離蜀道心將碎離恨綿綿度日如年馬上感時聞
杜鵬纔半闕而爲軍騎促行有戲續之云三千宮女
如花貌妾最嬋娟此去朝天只恐君王懸愛偏此必
後人侮之者豈有隨景行而書此敗節之言。

菩薩蠻

重疊金

子夜歌

女王曲

花間意

古今詞譜曰調屬正平又中呂四換頭曲也。

古今詞話曰溫庭筠善屬詞唐宣宗好歌菩薩蠻令狐相公假溫手脩撰以進有小山重叠金明滅句爲重叠金

杜陽雜編曰唐大中初女蠻國貢雙龍犀明霞錦其人危髻金冠瓔珞被體當時號爲菩薩蠻優者作女王曲文士亦往往聲其詞

丹鉛錄曰開元時南詔入貢危髻金冠瓔珞被體號菩薩蠻因以製曲楊慎改蠻爲蠻以戒經華蠻被首爲據胡元瑞駁之非真正婦女入貢蓋皆婦女髻也

中朝故事曰乾寧三年帝次絳州登城樓歌一詞有
曰何處是英雄迎僂歸故宮又曰明年秋製此詞既
爲韓建迎歸矣何又作此詞且改爲安得有英雄迎
歸大內中絕非昭宗聲口

舊曲有衍古詩而作者如牡丹帶露眞珠顙佳人折
向庭前過含笑問檀郎花強妾貌強○檀郎故相惱
只道花枝好一晌發嬌嗔碎撥花打人宣宗嘗愛聞
之戲語左右似婦人支解其夫者詞品以爲遠在花
間之先也

張表臣過吳江詞云垂虹亭下扁舟住秋風烟雨長
橋暮白亭聽吳歌佳人雙臉波○勸傾金鑿落莫作
思家惡緣鴨與鱸魚如何可寄書或曰不聞鴨可寄
書表臣不答信乎柳洲云作之難知之又難雌霓之
賞爲少也

南唐盧絳衡山人爲蜀主景刺史夜夢白衣婦人歌
菩薩蠻詞以侑酒卽玉京人去秋蕭索畫簷鵲起梧
桐落欹枕悄無言○月清夢圓也絳默記之詢之曰
妾乃玉真也他日富貴相見於固子坡頭後入宋臨

刑有白衣婦人同事。聞其名。所賦玉真。其地則固子坡也。

謁金門

花自落

垂楊碧

空相憶

春早湖

古今詞譜同。雙調曲。教坊記有儒士謁金門。

花菴詞客曰。張宗瑞詞。睡起愁懷無處著。無風花自落。爲花自落。又樓外垂楊如此碧。問春來幾日。爲垂楊碧。皆以篇末之語而立新名者。

古今詞話曰。李嗣主謂馮延巳曰。風乍起。吹皺一池春水。子卿何事。延巳曰。未若陛下細雨夢回。鷓鴣寒遠。

小樓吹徹玉笙寒也。

韋莊以才名寓蜀。蜀主建奪其姬之善詞翰者入宮。莊作謁金門云。空相憶。無計得傳消息。天上嫦娥人不識。寄書何處覓。○春睡覺來無力。不忍把伊書跡。滿院落花春寂寂。斷腸芳草碧。

清平樂

憶蘿月

詞品曰。李白應制清平樂兒。呂鵬過雲集共四首。自禁庭春晝。禁闌秋夜之詞。膾炙人口。黃玉林以後二首。無清逸氣。應作也。逸之。楊慎補作二首。人以爲過。

不忘諫填詞中風雅也胡元瑞又混以清平調駁之
良悞

古今詞譜曰李白換頭一句仄粘一句平粘下句稱
是兩首一體惟孫光憲等閑無語愁腸欲斷效之溫
庭筠俱用仄粘韋莊之春愁南陌全效之要知換頭
第一第二第四俱用平粘而第三用仄粘大槩如是

憶秦娥

秦樓月

雙荷葉

碧雲深

唐詞紀曰商調曲也鳳樓春卽其遺意李白之簫聲
咽用仄韻孫夫人之花溪溪用平韻張宗瑞爲立新

名曰碧雲深。至謝逸止。二十三字作調。

樂府紀聞曰。相傳文宗宮妓沈翹。翹舞何滿子詞。文宗曰。浮雲蔽白日。此文選中。念君臣值奸邪所蔽。正是今日。迺賜金玉環。翹翹泣曰。妾本吳元濟女。投入掖庭。本藝方響。因奏梁州。音節殊妙。文宗選金吾秦誠聘之。出官。誠後使日本。翹翹製曲曰憶秦郎。卽憶秦娥也。

荊州亭

江亭怨

樂府雜錄曰。荊州亭四十六字。花菴收爲清平樂令。

因檢山谷詞魯直登荊州亭柱間見詞云簾捲曲闌
獨倚山展暮天無際。泪眼不曾晴。家在吳頭楚尾。
數點雪花亂委。撲漉沙鷗驚起。詩句欲成時。没入蒼
烟叢裏。魯直悽然曰。似爲余發也。夜有女子見夢曰。
我家豫章。附客舟隨水死。有感而作。不意公能識之。
魯直覺而嘆曰。此必吳城小龍女也。

喜遷鶯

鶴冲天 萬年枝

古今樂錄曰黃鐘官曲多賦登第賦官詞。

古今詞譜曰正宮曲章莊詞家家樓上簇神仙爭看

鶴冲天和凝詞嚴粧擺擺黃鸝飛上萬年枝故名
鶴冲天萬年枝前後和凝薛昭蘊爲一韻者韋莊歐
陽脩爲兩韻者至毛文錫換頭一槩和仄韻

薛昭蘊詞云清明節雨晴天得意正當年馬驕泥軟
錦連乾香袖半籠鞭○花色融入競賞盡是繡鞍朱
鞅日斜無計更流連歸路草和烟○

毛文錫詞云芳春景暖晴烟傳枝偎葉語關關飛過
綺叢間○錦翼鮮金龜軟百轉千嬌相喚碧紗窓曉
怕聞聲驚破鴛鴦暖○

歐陽脩詞云梅謝粉柳拖金香滿舊園林養花天氣
半晴陰花好却愁深。花無數愁無數花好却愁春
去戴花持酒祝東風千萬莫匆匆。

花菴詞客曰夏竦於慶曆朝爲一不肖然喜遷鶯詞
必以之爲冠冕如三千珠翠擁宸游水殿按梁州此
景德中水殿按舞時應制之作。

阮郎歸

醉桃源

碧桃春

花菴詞客曰宋仁宗見新燕掠水曾觀應制作阮郎
歸詞云柳陰庭館占風光呢喃清晝長碧波新漲小

池塘雙雙蹴水忙。萍散漫絮飄揚。輕盈體態狂爲
憐。流去落紅香。唧將歸盡梁。仁宗極賞嘆其末二句。
古今詞譜曰大石調曲也。黃山谷多作獨木橋體。詠
茶一首全用山字。

李後主阮郎歸云。東風吹水日銜山。春來長是閒。蘇
東坡綠槐高柳咽新蟬。薰風初入絃。此定體也。獨王
山樵阮郎歸第二句。便失平粘云。風中柳絮水中萍。
聚散兩無情。不知何意。且眼兒媚起句。霏霏疎影轉。
征鴻人語暗。香中。朝中措起句。平山欄檻倚晴空。山

色有無中太常引起句。君王着意履聲間。合押紫宸
班。少年游起句。霽霞散曉月猶明。疎木掛殘星。月宮
春起句。水晶宮裏桂花開。神僊探幾回。是皆犯之矣。

眼兒媚

秋波媚

花菴詞客曰。宋齊愈爲固陵召對曰。卿文章新奇。可
作梅詞進呈。詞云。霏霏疎影轉征鴻。人語暗香中。小
橋斜渡。曲屏深院。水月濛濛。人間不是藏春處。玉
笛曉霜空。江南處處黃垂密。雨綠漲薰風。葢眼兒媚
也。立進此天語稱善。又論近臣曰。齊愈詞非惟不經

人道自花開至結子黃熟并天色言之盡矣

王荊公子雱多病因令其妻樓居而獨處荊公別嫁之雱念之爲作秋波媚詞云楊柳絲絲弄輕柔烟縷
織成愁海棠未雨梨花先雪一半春休而今往事
難重省歸夢遶秦樓相思只在丁香枝上荳蔻梢頭
柳塘詞話曰起是平粘仄粘俱通故阮閱一首樓上
黃昏杏花寒斜月小闌干是也又卓田一首平粘起
者丈夫隻手把吳鉤欲斷萬人頭因何鐵石打成心
性却爲花柔君看項籍并劉季一怒使人愁只因

撞着虞姬戚氏豪然都休

山花子

南唐浣溪沙

攤破浣溪沙

雪浪齋日記曰王荆公問黃山谷曰李後主詞何處
最佳山谷以一江春水向東流對荆公曰未若山花
子細雨夢回鷄塞遠小樓吹徹玉笙寒也按手捲真
珠箇箇香消二首皆元宗作荆公誤屬後主

古今詞譜曰黃鐘宮曲曾見南唐軼事元宗手寫此
二詞以賜金陵妓人王感化

明林章詞云燕子樓中覓夢魂杜鵑枝底認啼痕惟

有遠山江上出翠氤氲。風送楊花三月雪。水連芳草一天雲。又是去年時候也。儘黃昏。近代王士禛寄京口程崑崙云。黃鶴山前黃鶴鳴。杜鵑樓上杜鵑聲。記得戴顓招隱地。共經行。北固雲山春望遠。南徐風雨暮潮生。一片澄江如練影。接蕪城。同一情致。

柳梢青

早春怨

雲淡秋空

古今詞譜曰中呂宮曲有平仄二調謝逸賀鑄俱仄韻。

詞品無名氏詞云曉星明滅。白露點秋風。落葉故址。

顏垣冷烟荒草前朝官闕。長安道上。行客依舊是。
名深利切。改變容顏。銷磨今古。隴頭殘月。此五代新
說。載鬼仙詞。非太白長吉之流。不能及此。按之以柳
梢青曲。第二句皆遺失一字耳。

謝逸詞云。香肩輕拍。樽前忍聽一聲將息。昨夜濃歡。
今朝別酒。明朝行客。後回來則須來。便去也。如何
去得。無限離情。無窮江水。無邊山色。此以仄韻證之
也。

淳熙中張材甫應制詞云。柳色初濃。餘寒如水。秋雨

如塵復命曾海野和詞云。桃靨紅勻。梨腮粉薄。鴛鴦
無塵詞品曰。句句叶而起句不叶。則亦未知詞者矣。
夫柳梢青起句不用韻。皆間有。旣在應制聯輿之作。
是亦可通融者。極言其未知詞也。過矣。

眉峯碧

宋無名氏眉峯碧詞云。蹙損眉峯碧。纖手還重執。鎖
日相看未足時。便恁使鴛鴦隻。薄暮投村驛。風雨
愁通夕。窗外芭蕉窓裏聲。分明葉上心頭滴。宋徽宗
手書此詞以問曹組。組亦未詳。徽宗白朕粘於屏以

悟作法真州柳永少讀書時遂以此詞題壁後悟作
詞章法一妓向人道之永曰某亦願變化多方也然
遂成屯田蹊徑

賀聖朝

舊本葉清臣落句俱作四字三句云三分春色二分
愁悶一分風雨知他來歲牡丹時候相逢何處雖犯
旁官如秋波媚洞天春柳梢青訴衷情等曲未嘗不
穩貼清圓也以原調攷之應改作兩句云三分春色
二分愁悶一分風雨知他來歲牡丹時候相逢何處

是上作七字句下作五字句又五字句作空頭句更
妙在間字候字若間字改更字候字改再字便屬粗
淺今證以馬莊父春游詞云游人拾翠不知遠被子
規呼轉紅樓倒影背斜陽墜幾聲絃管。荼蘼香透
海棠紅淺恰平分春半花前一笑不須慳待花飛休
怨。

朝中措

藝苑雌黃曰歐陽公送劉貢父守揚州爲朝中措詞
云平山闌檻倚晴空山色有無中手種堂前楊柳別

來幾度春風。文章太守。揮毫萬字。一飲千鍾。行樂
直須年少。尊前看取衰翁。平山堂望江左。諸山甚近。
或以公短視故云。東坡笑之。因賦快哉亭水調歌頭。
以道其事。有云。嘗記平山堂上。欹枕江南。烟雨杳杳。
沒孤鴻。認取醉翁語。山色有無中。蓋指烟雨而然也。

人月圓

青衫濕

宋王詵詞云。年年此夜。華燈盛照。人月圓時。名之曰
人月圓。古今詞譜曰。大石調曲。北劇多收爲引子。

金源樂府曰。吳激赴金人張總家集。出侍兒侑觴。故

宋宮姬也時宇文叔通賦念奴嬌將成見激作人月
圓云南朝千古傷心事還唱後庭花舊時王謝堂前
燕子飛向誰家○恍然一夢○僊肌勝雪○官髻堆鴉○江
州司馬青衫淚濕○同是天涯○叔通遂閣筆退而語人
曰吳郎近以樂府高天下

醉鄉春

醉鄉廣

醉鄉春者秦少游謫嶺南時所作也藤州地志云秦
少游醉飲於海棠橋野老家度一曲以題于柱間云
喚起一聲人悄○衾冷夢寒○窓曉瘴雨過○海棠開○春色

又添多少。○社甕釀成微笑。○半缺柳瓢共昏覺。顛倒。○
急投床。醉鄉廣大人間小。○聞脩志者不識侑字。改之。
怪甚。

惜分飛

樂府紀聞曰。東坡守杭。毛滂爲法曹掾。與一妓善。秩
滿當辭。流連惜別。明日東坡宴客。妓卽歌惜分飛以
侑酒。云。淚濕闌干花着露。愁到眉峯碧聚。此恨平分
取。更無言語空相覷。○斷雲殘雨無意緒。寂寞朝朝
暮暮。○今夜山深處。斷魂分付潮回去。東坡問是誰作。

妓愀然以毛法曹對東坡語坐客曰郡寮有詞人而不及知其罪也折柬追還爲之延譽滂以此得名

西江月

壺天曉

白蘋香

醉高歌

古今詞譜曰調始於歐陽炯中呂宮曲以隔韻叶者後則漸濫而無紀極矣惟東坡重陽詞近之歐陽詞云月映長江秋水分明冷浸星河淺沙汀上白雲多雪散幾叢蘆葦○扁舟倒影影寒潭裏烟光遠罩輕波笛聲何處響漁歌兩岸蘋香暗起此又以七字句爲換頭者東坡詞云點點樓前細雨重重江外平湖當

年戲馬會東徐。今日淒涼南浦。○莫恨黃花未吐。且教紅粉相扶。酒闌不必看茱萸。俛仰人間今古。恐又是平仄一韻。然已合調耳。

花菴詞客曰。照野瀾瀾淺浪橫空。曖曖微霄。東坡用陶語。山滌餘靄。宇曖微霄也。公以春夜行蘄水中。過酒家醉飲。乘月一至溪橋。曲肱少寐。及覺已曉。亂山葱蘢。不謂人世也。黃九疑公有突兀之句。故小叙及之。

柳塘詞話曰。宋趙與仁西江月。又作一體云。夜半河

痕依約而餘天氣冥濛起行微月過池東水影浮花
花影動簾櫳○量減難辭醉白恨長莫盡題紅鴈聲
能到西樓中也要玉人知道有秋風見草窓詞選

桂華明

梁溪軼事曰關注子東避地梁溪夢至廣寒宮夾兩
池水無纖塵地無纖草門鑰不啓或告之曰呼月姊
則開矣子東如其言見二仙子霞彩煥發非復人間
引者曰月姊也子東再拜因問往日梁溪之會令歌
太平樂猶記及否子東歌之復作桂華明云縹緲神

僊開洞府遇廣寒宮女問我雙鬟梁溪舞猶記得當時否○碧玉詞章教仙女爲按歌官羽皓月滿窓人何處聲永斷瑤池路○

少年游

古今詞譜曰黃鐘宮曲林君復蘇東坡俱有之亦不一體其更變俱在換頭也○

東坡詞換頭云捲簾對酒邀明月非對酒捲簾也刻悞落句云恰似姮娥憐雙燕分明照畫梁斜與矣耑卿換頭云薄情慢有歸消息鴛鴦被半香消與矣小

山換頭云可憐人意薄于雲水佳會更難重則又難
矣餘則俱同當以美成詞爲正

樂府紀聞曰美成在汴日主角妓李師師家道君幸
之美成避匿其左右遂賦少年游云并刀如水吳鹽
勝雪纖手破新橙錦幄初溫獸烟不斷相對坐調笙
○低聲問向誰行宿城上已三更馬滑霜濃不如歸
去直自少人行直寫其事流傳於外道君怒以課吏
謫之

瑤池宴

古今樂錄曰黃魯直與季常書曰琴曲有瑤池宴無
名氏所製詞不穩帖而聲如怨咽或改之別作閨怨
殊爲奇妙勿妄以與人也爲按拍歌之云飛花成陣
春心困寸寸別腸多少愁悶無人問偷期自搵殘粧
粉○抱瑤琴尋出新韻玉纖趁南風未解幽愠低雲
鬢眉峯斂暈嬌和恨一如王實甫之游藝中原曲云
按以仙呂點絳脣可歌也

憶餘杭

憶西湖

潘閔字道遙太宗朝人狂逸不羈坐事繫獄往往有

出塵之語詞品曰有憶西湖虞美人一闕於時盛傳
東坡愛之書於玉堂屏風詞綜曰潘閬有酒泉子三
闕石曼卿見此詞使畫工繪之作圖柳塘沈雄起而
辯之非虞美人亦非酒泉子乃自製憶餘杭也舊刻
詞曰長憶西湖湖水上盡日憑闌樓上望三三兩兩
釣魚舟。島嶼正清秋。笛聲依約蘆花裏白鳥成行
忽飛起。到來閑想整綸竿。思入水雲寒。復見詞綜共
刻三首其二首首句俱失三字今爲正之其一長憶
孤山山影獨山在湖心如黛簇其二長憶西湖添碧

溜靈隱寺前天竺後如失山影獨三字添碧溜三字
便不成詞矣

鵲橋僊

廣寒秋

鞞紅

古今詞譜曰仙呂宮曲又入高平調與步蟾宮稍異
古今詞話曰張宗瑞有天風吹送廣寒秋句爲廣寒
秋

詞綜載一竿風雪一簑烟雨家在釣臺西住賣魚生
怕近城門豈向紅塵深處潮來解纜潮平舉棹潮
落放歌歸去旁人錯比做嚴光自是無名漁父梅苑

所載宋無名氏詞疑放翁所作而集中不載細味卒章真是高隱之筆

天機餘錦有無名氏鞦紅一曲云粉香猶嫩霜寒可
慣爭奈向春心已轉玉容別是一般閒婉悄不管桃
淡杏淺。月影簾櫳金波隄面漸細細香風滿院一
枝折寄故人雖遠莫輒使江南信斷前後第四句各
添一字仍是鵲橋仙詠梅也按鞦紅者服帶之飾天
子用黃鞦王侯用紅鞦卿士用墨鞦見藝苑

浪淘沙

賣花聲 過龍門

古今詞譜曰歇指調曲苑山堂外紀曰幻卿女史過
龍門有詞仍立名曰過龍門又曰賣花聲別有中調
賣花聲六十六字

浪淘沙亦有詩體而入選列前單調者亦卽歇指調
也唐詞紀名爲水鼓子作者如白居易劉禹錫輩惟
司空圖一首爲得大體詞云不必長漂玉洞花曲中
止愛浪淘沙黃河却勝天河水萬里縈紆入漢家

柳耆卿作歇指調云有個人人飛燕精神急將環佩
上華裾促拍盡隨紅袖舉風柳腰身。簌簌輕裙妙

盡繼新曲中獨立斂香塵應是四肢嬌困也眉黛雙顰起句少原調一字

朱子京別作浪淘沙以別劉原父云少年不管流光如箭因循不覺韶華換到如今始惜月滿花滿酒滿扁舟欲解垂楊岸尚同歡宴日斜歌闕將分散倚蘭橈望水遠天遠人遠

河傳

舊記河傳爲隋煬帝開汴河所製勢歌也其聲犯角詞多失傳海山記曰煬帝宮中障壁有廣陵圖帝視

之移時不能舉步。謂蕭后曰：朕不愛此畫，爲思舊遊處。爰指圖中山水，及入村落寺院，歷歷皆在目前。昔年征陳，主日遊此。及幸江都，作泛龍舟詞，歌龍女曲。舳舻隄迷樓，設錦帆殿脚。此河傳乃後人所造勞歌也。

柳塘詞話曰：河傳水調，本秦皇南幸之曲。如汴渠隄柳，迷樓錦帆，烏銅屏，四寶帳，殿脚女，女相如，諸闕各有故實。維揚宗元鼎卽以大業遺事詠之，更用花間限體，復仿艷情，千載而下，殊爲香雋也。余集有河傳。

共十四體久爲箋出以求未盡

摘紅英 擬芳詞

太平樂府曰政和中京師有姥入內教歌傳得禁中
摘芳詞唐人作也張尚書師成都日人競歌之却於
前段記得年時共伊曾摘其下添憶憶憶三字換頭
落句燕兒來也又無消息於下添得得得三字摘芳
摘芳禁中園名

柳塘詞話曰今以張仲舉詞按之云鶯聲寂鳩聲急
柳陰一片梨雲濕驚人困教人恨待到平明海棠應

盡○青無力紅無迹○殘香賸粉那禁得○天難準○晴難
穩○晚風又起○倚闌爭忍○卒章原無三疊字○若有三疊
字○此卽陸放翁之釵頭鳳毫不異也○

鷓鴣天

思佳客

於中好

離歌

慶曆中開封府與棘寺同日獄空仁宗宮中宴集宣
晏幾道作鷓鴣天以歌之得旨受賞大意先賦昇平
之盛又見祥瑞之徵而末句略近之極爲得體詞有
云朝來又奏圓扉靜十樣宮眉捧壽觴是也亦以誌
一時之治化云○

朱子京過繁臺街。逢內家車子有寒簾者呼曰小朱子京。乃作鷓鴣天。劉郎已恨蓬山遠。更隔蓬山一萬重。句聞之仁宗。內家自陳。因宣學士侍宴。遂以內家賜之。仁宗曰蓬山不遠矣。

蘆浦筆記有述宣政一時之事者。僅記其詞云。宣德樓前雪未融。賀正人見彩山紅。九衢照影紛紛月。萬井吹香細細風。○複道遠。脂相通。平陽主。第五王宮。鳳簫聲裏春寒淺。不到珠簾第二重。爲無名氏之作。劉興伯曰。此備述宣政之盛。非想像者所能道。

瑞鷓鴣

太平樂

舞春風

桃花落

五拍

古今詞譜曰南呂宮曲又入平調卽平韻七言律仄
韻卽玉樓春也詞品曰可以按調而歌者瑞鷓鴣耳
樂府紀聞曰宣和間關注寓梁溪古柏院中夢美鬚
髯者掛坐使兩女子以銅盆酌酒謂注曰自來歌曲
先奏天庭後落人間他日休兵有樂府曰太平樂兩
女子舞主人擊節猶記其五拍云玄衣仙子從雙鬟
緩節長歌一解顏滿飲銅盆效鯨吸低徊舞袖作弓
彎舞留月殿春風冷樂奏鈞天曉夢還行聽新聲太

平樂猶畱五拍。到人間。此卽舞春風也。

馮延巳詞云。嚴妝纔罷。怨春風。粉牆畫壁。宋家東。蕙
蘭有恨。枝猶綠。桃李無言。花自紅。燕燕巢兒。簾幙
卷。鶯鶯啼處。曲房空。少年薄倖。知何處。每夜歸來。春
夢中。在五代時。已有啼鶯鶯者。一名桃花落。

玉樓春

惜春容

木蘭花令

古今詞譜曰。大石調曲。詞統又作林鍾商調。詞中不
失玉樓春三字者。顧夔也。通首一韻者。徐昌圖溫庭
鈞。歐陽修。宋祁也。前後兩韻者。牛嶠韋莊也。

溫庭筠詞云。家臨長信住來道。乳燕雙雙拂煙草。油
壁車輕金犢肥。流蘇帳暖春雞早。籠中嬌鳥曉猶
睡。簾外落花閒不掃。衰桃一樹近前池。似惜容顏鏡
中老。詩家收爲春曉曲。譌矣。何以趙弘基花間集。竟
失之也。

宋子京詞云。東城漸覺風光好。穀皺波紋迎客棹。綠
楊煙外曉寒輕。紅杏枝頭春意鬧。浮生長恨歡娛
少。肯愛千金輕一笑。爲君持酒勸斜陽。且向花間畱
晚照。人謂鬧字甚重。我覺全篇俱輕。所以成爲紅杏。

尚書

無名氏聞笛詞云紅樓十二春寒側樓角何人吹玉
笛天津橋上舊曾聽三十六宮秋草碧。昭華人去
無消息江上青山空晚色一聲落盡短亭花無數行
人歸未得詞品曰此詞悲感悽愴在簡齋憶昔午橋
之上而不知名或以爲張子野作非也子野卒於南
渡以前何得云三十六宮秋草碧乎

明初開國如劉文成春感云春來觸處花成綺春去
可憐花委地催耕布穀強知時去國杜鵑空有淚。

雙魚不見人千里。落絮牽愁和夢起。芭蕉多事惹西風。故作雨聲驚客耳。明季中翰如沈聞華秋怨云。盼盡玉郎離別處。空剩紫駟芳草路。年年同嫁與東風。只有小樓紅杏樹。愁病懨懨魂欲去。一霎芭蕉寒響聚。空嗟薄命玉容人。值得數聲秋夜雨。情詞悽感。更爲勝之。自聽秋雨後。不敢種芭蕉。信然。

步蟾宮

沈雄曰。步蟾宮係平調。不知原起是何人。但見蔣竹山訊桂一首。詞統有傳。一士人訪妓。妓在開府倚宴。

候之以寄閨者。誤達開府。開府見詞清麗。呼士人以
妓與之。詞云。東風捏就腰肢細。繫六幅裙兒不起看
來。只慣掌中行。怎教在燭花影裏。更闌應是鉛華
褪。暗蹙眉峰雙翠。夜深著。緗小鞋兒斜靠著屏風
立地。

黃山谷詞云。蟲兒真個惡。伶俐惱亂得道人眼。起醉
歸來。恰似出桃源。但目斷落花流水。不如隨我歸
雲際。共作個佳山活計。照清溪。勻粉面。插山花。算做
勝風塵滋味。調興錄之。

虞美人

古今詞譜曰正宮曲又入仙呂四換頭曲也唐詞落句七字句以三字句叶衆詞落句只九字一句叶耳不得誤以四字句五字句混之者

賈氏談錄曰褒斜谷中有虞美人草益州記曰雅州出虞美人草唱虞美人曲則隨風而舞且應拍者又高郵桑景舒舊傳有虞美人曲歌之則枝葉皆動景舒曰此吳音也因取琴試操吳音枝葉亦動謂之虞美人操全非詞家所謂宮音也唐詞有烏鵲欲上琴

詠西楚事

李後主詞春花秋月何時了。往事知多少。小樓昨夜又東風。故國不堪回首月明中。○雕闌玉砌應猶在。只是朱顏改。問君還有幾多愁。恰似一江春水向東流。○當以此闕爲最。

關注曰葉右丞詞能於簡澹處時出雄傑。合處不減靖節東坡。豈近世樂府之比哉。而尤以虞美人爲絕唱。如美人不用斂歌眉。我亦多情無奈酒闌時。是也。帳中草草軍情變。月下旌旗亂。攬衣推枕愴離情。遠

風吹下楚歌聲。正三更。○烏騅欲上重相顧。艷態花
無主。○手中蓮鐏凜秋霜。九重歸去是仙鄉。恨茫茫。此
唐無名氏虞美人原曲以三字句作結者。

一斛珠

鬪黑麻

醉落魄

醉羅歌

梅妃傳曰江采蘋九歲誦二南詩。期以此見志。開元
中。選侍明皇見寵。所居悉植梅花。故號梅妃。時太真
遷上陽。明皇於花萼樓念之。會夸使貢珠。命封一斛
賜妃。妃謝以詩云。柳葉雙眉久不描。殘妝和淚污紅
綃。長門盡日無梳洗。何必珍珠慰寂寥。明皇以新聲

度曲自三斛珠

無名氏詞醉醒醒醉憑君會取真滋味濃斟琥珀香
浮蟻一入愁腸便有陽春意。須將幕席爲天地歌
前起舞花前睡從他兀兀陶陶裏猶勝惺惺惹得閒
憔悴黃山谷曰此或傳是東坡語非也與蝸角虛名
解下癡條之曲相似疑是王仲父作

踏莎行

古今詞話曰春旅詞云霧失樓臺月迷津渡桃源望
斷無尋處○可堪孤館閉春寒○杜鵑聲裏斜陽暮○驛

寄梅花魚傳尺素砌成此恨無重數。郴江幸自繞郴山。爲誰流下湘江去。少游踏莎行也。東坡獨愛其尾兩句。及聞其來東坡曰。少游已矣。雖萬人何贖黃山谷曰。絕似劉賓客楚蜀間語。

柳塘詞話曰。唐子畏春閨若不經意出之者。詞云。可怪春光今年偏早。閨中冷落如何好。因他一去不歸來。愁時只是吟芳草。奈爾雙姑隨行隨到。其間泥味。余知道。尋花趁蝶好光陰。何須步步回頭笑。此與巨源簡齋同一真趣。而有妙理。余恐其流於漁樵間。

荅也特拈一詞云雙燕相依淺闌寄語鈎簾未放衝
泥去央伊趁曉向天涯揜郎昨夜和誰住。桃葉輕
風杏花微雨芹香不啄來何遽喃喃惱逐絮顛狂分
明薄倖人如許稍爲明破亦以云救也。

王阮亭曰彭羨門善於言情春暮之什亦自矜勝詞
云鶯○擲○金○梭○柳○拋○翠○縷○盈○盈○嬌○眼○慵○難○舉○落○花○一○夜○
嫁○東○風○無○情○蜂○蝶○輕○相○許○尺○五○樓○臺○秋○千○笑○語○青○
鞋○濕○透○胭○脂○雨○流○波○千○里○送○春○歸○棠○梨○開○盡○愁○無○主○
此卽張子野不如桃杏猶解嫁春風也賀黃公謂其

無理而入妙。羨門落花一夜嫁東風。無情蜂蝶輕相
許。句愈無理則愈入妙。便與解人叅之。亦不易易。

小重山

朝玉階附

堯山堂外紀曰。韋莊留蜀。蜀主奪其姬之。善詞翰者
入宮。韋莊念之。因作小重山宮詞。流傳入宮。姬聞之。
不食。次詞云。一閉昭陽春又春。夜寒宮漏永。夢君恩。
臥思陳事暗消魂。羅衣濕。新搵舊啼痕。歌吹隔重
闌。繞庭芳草綠。倚長門。萬般惆悵。向誰論。凝情立宮
殿。欲黃昏。

柳塘詞話曰。汪藻詞亦美。曠一時不爲流傳者。曾爲
張邦昌雪罪表故也。乃其小重山秋閨云。月下潮生
紅蓼汀。殘霞都斂盡。四山青。柳梢風急。墮流螢。隨波
去。點點亂寒星。却從庾信。秋風驅亂螢。不及寒星句
來。而景自勝。過變云。別語記丁寧。如今能間隔幾長
亭。夜來秋氣入銀屏。梧桐雨。還恨不同聽。又從小杜
銀燭秋光冷。畫屏不及夜長句來。而情自勝。
嚴次山曰。吳淑姬小重山一闕。如怨如訴。自起自倒。
誦之有難以爲情者。匪直深於意態也。

選聲集曰杜安世有朝玉階與小重山落句稍異者
詞云簾卷春寒小雨天牡丹花落盡悄庭軒高空雙
燕舞翩翩無風輕絮墜暗苔錢○擬將幽怨寫香箋
中心多少事語難傳思量真個惡姻緣那堪長夢見
在伊邊祇上作五字句下作二字叶有黃蓬甕仄韻

臨江仙

庭院深深 雁後歸

唐詞紀曰臨江仙多賦水媛江妃南唐人多數爲之
古今詞譜曰仙呂宮曲

堯山堂外紀曰樂曲有念家山後主倚其聲爲念家

山破在圍城中。賦臨江仙。未終而城破。詞云。櫻桃落盡。春歸去。蝶翻輕粉。雙飛子規啼。月小樓西。曲闌朱箔。惆悵卷金泥。門掩寂寥人散後。望殘烟草。淒迷。後劉延仲足成之云。燼香閒。裊鳳皇兒。空持雙帶。回首故依依。

古今詞話曰。魯直守當塗。賀方回過之。人日席上取薛道衡詩句作詞。名雁後歸。卽臨江仙也。

樂府紀聞曰。李清照每愛歐陽公蝶戀花詞。庭院深深。淡淡幾許。作庭院深深曲。卽臨江仙也。

柳塘詞話曰。花間集起句。不拘平仄粘。有用韻。有不
用韻者。有作七字句起。有作六字句起。有作五字句起。
字詞。晏幾道爲添字詞。共有九體。

戴景愚經孟

校

先鳳毛惠文